

幼
幼
集
成

下
冊

幼幼集成

清 羅浮 陳復正 飛霞輯訂

鄞縣 曹赤電 炳章圈校

卷四

腫滿證治

經曰。膚脹者。寒氣客於皮膚之間。腹大身盡腫。皮厚。按之突而不起。脈色不變。此其候也。又曰。諸溼腫滿。皆屬於脾。又曰。水病下爲跗腫。腹大上爲喘呼。不得臥者。標本俱病。

夫腫滿之證。悉由脾胃之虛也。脾土喜燥而惡溼。因中氣素弱。脾虛無火。故水溼得以乘之。而脾愈不運。則乳食凝而不化。停積於中。而腫滿作焉。治腫者。當以脾胃爲本。而以浮腫爲標。斯庶幾矣。若以消伐尅削爲能事。未有不致危殆者也。治腫當分上下。經曰。面腫者風。足腫者溼。凡腫自上而起者。皆因於風。其治在肺。

宜發散之。參蘇飲合五皮湯。腫自下而起者。因於腎虛水泛。或因於脾氣受溼。宜滲利之。故仲景云。治溼不利小便。非其治也。宜五苓散加防己檳榔。

一身盡腫者。或胎稟不足。卒冒風寒。或因瘧痢脾虛。皆能作腫。輕者胃苓丸。重者加味胃苓丸。當與本條參考。

一、小兒之腫。在表者。頭痛身熱。此風寒在表。宜微汗之。五苓散少加麻黃葛根蘇葉杏仁以發之。若身無熱。五苓散加肉桂。

一、膀胱氣化。小便利而腫消矣。陽水腫。身熱。大便秘。小便赤澀。煩燥口渴。以五皮湯作煎。送沆瀣丹微下之。陰水腫。身不熱。口不渴。身冷怯寒。二便自調。平胃散加白茯苓草果木香藿香。

凡腫證先起於腹。而散於四肢者可治。先起四肢。而後歸於腹者不可治。若小兒元氣本虛。復遇大病之後。而渾身浮腫。四肢冷。不渴。小便清長。大便滑泄。不思飲食。此陰寒之極。脾胃將絕。治腫之方。俱不可用。惟以四君子湯加青化桂炮薑砂仁白朮。以救其脾胃。斯可矣。昧者但見其腫。不知元氣之竭絕。而猶消導利水。復以舟車禹功。暨大戟芫花甘遂劫奪之者。此殺人之事。慎之戒之。

入方

參蘇飲 方見卷三咳嗽門。

五苓散 方見卷二傷暑門。

五皮湯 方見卷二傷溼門。

胃苓丸 方見卷二傷瀉門。

加味胃苓丸 卽胃苓丸本方加後藥。頭面腫初起。略加麻黃佐之。喘。加桑白

皮杏仁。小便黃赤。加木通。身腫。加五加皮。腹脹。加砂仁白蔻丁香枳殼。

脚冷不溫。加附子上桂防己。

平胃散 方見卷三癰疾門。

加味四君子湯 治脾敗胃傷。陰寒作腫。多服自消。

官揀參 一錢 漂白朮 一錢 白雲苓 五分

黑炮薑 一錢 西砂仁 一錢 白荳蔻 一錢 上青桂 八分

炙甘草 五分 大棗 三枚 公丁香 三分

水煎。半飢溫服。以愈爲度。

水腫簡便方

凡小兒患腫。切須忌鹽。鹽助水邪。服之愈甚。必待腫消之後。以鹽煨過。少少用之。治水腫從脚起。入腹則難治。用紅飯豆五升。水煮極熟。取湯四五升。溫浸兩膝之下。冷則重煖。若已入腹。以紅豆煮湯。日日服之。亦消。蓋紅豆之功。專於行溼利小便故也。

治脚腫。掘杉木根切斷。而內色紅者爲油杉。方可熏。若切開白色者不堪用。以紅根切碎。煎濃湯。將腫脚先熏。後洗一二次。自消。

又方以紅糟一大碗。加入生薑生葱。三味同煎湯。先熏後洗。

又治頭面手足俱腫。用苦葶藶一兩。隔紙炒熟。研細末。以大紅棗蒸過。去核取肉。和前末杵勻爲丸。如小豆大。每服七粒。白湯下。日三服。五七日。則小便多。腫自消也。忌鹹酸生冷之物。

傷寒傷溼腫。以羌活切片。萊菔子。二味等分。同炒香取起。揀去萊菔不用。只以羌

活爲末。每服一錢。初日一服。二日二服。三日三服效。

腫證氣喘。男女大小。腫因積得。既取積而腫再作。小便不利。若再用利藥。性寒而小便愈不通矣。醫者至此束手。蓋中下二焦氣不升降。爲陰寒否隔水。遂凝而不通。用熟附子三錢。生薑二錢。沉香三分。同煎濃湯。冷服。大人附子一兩。生薑六錢。沉香磨濃汁。以附子生薑煎湯對服。不拘服數。以愈爲度。

身面浮腫。坐臥不得。取向東桑枝燒灰淋汁。煮紅豆數升。每饑卽食之。不得別飲湯水。

水腫本於脾虛不能制水。水積妄行而爲腫。當以參朮補脾爲主。使脾氣實則能健運。而水自行。切不可下。

脹滿證治

經曰。足太陰虛則鼓脹。又曰。胃中寒則脹滿。又曰。濁氣在上。則生脹。夫脹滿者。腹脹氣滿也。因於脾肺氣虛。不能健運。所以作脹也。有虛脹實脹。熱脹寒脹。大抵虛脹冷脹。十之七八。實脹熱脹。十之二三。蓋實熱之證。人所易見。或因傷食。或

因傷寒。入裏所以易知而易治。虛冷之證。由中氣虛衰。脾氣不化而脹。所以難見而難醫。若以虛冷之脹。而誤以爲實熱之脹治之。其禍不可勝言矣。虛脹者。或因吐瀉之後。或因服藥攻下太過。致成腹脹者。宜溫中調氣。厚樸溫中湯。若虛而兼寒者。加附桂。實脹者。腹中原有食積。或飲食過飽。固結於中。外證則胃口胸前高脹。身熱口渴。倦臥不語。腹痛微喘。目閉不開。儼然虛極之象。小兒此證最多。而難識。昧者不爲詳審。見其四肢不舉。口閉不開。誤以爲慢驚。而用寧神導痰之藥。千中千死。無一活者。不知大實有羸狀。卽此是也。急宜下之。集成沆瀣丹。集成三仙丹同服。熱脹者。或傷寒熱邪入裏。大便閉結。小便短赤。渾身壯熱。面赤燥煩。集成沆瀣丹。

寒脹者。由中氣素寒。冷滯鬱結。無身熱口渴。面脣青。手足厥冷。氣喘腹脹。先以壘氣丸消之。後以異功散調其脾胃。凡遍身瘡疥。因淋洗塗搽。逼毒歸內而腹脹者。輕則荆防敗毒散升散之。重則集成沆瀣丹微利之。瘡出脹消者吉。瘡不出者凶。經謂臟寒生脹滿。蓋脾爲陰中之至陰。因脾溼有餘。無陽不能施化。如土之久於

雨水則爲泥矣。豈能生畜萬物。必待和風暖日。溼去陽生。自然生長也。凡此宜以辛熱之藥運用之可也。

謂下之則脹已。此以溼熱飲食有餘。脾胃素實。形體氣質壯實者言之也。若脾虛內寒。而氣不能運精微以成脹滿者。只宜以甘溫補脾爲主。少佐辛熱以行壅滯之氣。庶使脾土健旺。脹滿運行。斯可愈矣。此經之所謂塞因塞用。從治之法耳。醫者不察乎此。惟執下之。脹已急於獲效。病者喜行利藥以求通快。不知暫快一時。則脾氣愈傷。脹滿愈甚。去死不遠矣。

諸家治脹治腫。但知行氣利水。尅削並行。凡以猛劑下之。此速死之道。不知脾氣虛極而腫而脹。愈下愈虛。惟圖目前之快。而陰傷真元。禍不旋踵。後賢幸加意焉。

入方

厚樸溫中湯 治胃寒心腹脹。

紫厚樸 一錢五分

真廣皮 一錢

黑薑炭 一錢

白雲苓 一錢

草薢仁 五分

南木香 五分

炙甘草 五分

虛兼寒者。加熟附子五分。青化桂五分。生薑三片。

塌氣丸 治寒氣鬱結。肚腹虛脹。

胡椒仁一兩

全蠍尾

五錢揀去鉤
洗淨妙乾

右以胡椒略去皮取淨一兩。炒過和蠍尾研末。麵糊丸極小。每服一二錢。陳皮湯送下。

集成沆瀣丹 方見卷二胎疾門。

異功散 方見卷二傷食門。

集成三仙丹 方見卷二類搐門。

荆防敗毒散 治瘡疥毒氣內陷。小腹作腫。

荆芥穗

北防風

淨連翹

陳枳殼

綠升麻

南薄荷

川羌活

川獨活

粉乾葛

川木通

金銀花

片黃芩

正川芎

黑梔仁

炙甘草

已上每味
各一錢

上身腫。加蔥三莖。下身腫。加燈心十莖。水煎服。

腹脹簡便方

治氣脹水脹。用雄雞糞乾者一升。炒焦黃色。出火毒。研細末。以百沸湯三升淋汁。每服一盞。調木香檳榔末各五分。此中滿蟲毒脹。有一無二之方也。治食脹氣脹。用蘿蔔子一兩。研細末。水調濾汁。用砂仁一兩。以蘿蔔子浸汁一宿。炒乾又浸。又炒。共七次。爲末。每服一錢。米飲調下。

黃疸證治

經曰。身痛而色微黃。齒垢黃。耳目上黃。黃疸也。又溺黃赤。安臥者。曰黃疸。已食如饑者。胃痺。夫黃疸之證。古人多言爲溼熱。及有五疸之分。皆未足以盡之。予謂黃之大要。亦惟有二。曰陽黃。曰陰黃。而寒熱虛實。總括二者之中。無餘義矣。一、陽黃證。因溼多成熱。熱則生黃。此則所謂溼熱證也。其證必身熱煩渴。或躁擾不寧。或消穀善饑。或小便熱痛。或大便秘結。其脈實而有力。此證不拘外感風溼。內傷食飲。皆能治之。但察兒之元氣尙強。脾胃無損。而熱溼果盛者。直宜清

火邪。利小便。茵陳五苓散最穩。胃苓湯加茵陳亦佳。若大便秘結熱甚者。集成
沆瀣丹。

一、陰黃證。全非溼熱。而總由氣血之敗。蓋氣不生血。所以血敗。血不華色。所以色
敗。凡病黃而絕無陽證陽脈者。便是陰黃。或因大病之後。或脾胃久虧。故脾土
之色自現於外。其證喜靜惡動。喜暗畏明。神思困倦。言語輕微。畏寒少食。四肢
無力。或大便不實。下水如膏。此皆陽虛之後。與溼熱發黃者。反如冰炭。使非速
救元氣。大補脾胃。終無復元之理。且此證最多。而昧者不察。遂云黃疸同時溼
熱。而用茵陳梔子。清火利水。則無有不隨藥而斃者。卽四君子五君煎溫胃飲。
是其宜也。

凡小兒脾胃素弱。常有積滯。面色多帶黃白。不可消積。惟以集成肥兒丸多服。使
脾胃健。食自消。漣漣膿脯流行。榮衛自然五色修明。何黃之有。小兒黃病。昧者
一概呼爲溼熱。無非除溼利水。清熱退黃。除此之外。無別法矣。豈知溼熱發黃者
少。脾虛發黃者多。蓋脾土強者。足以捍禦溼熱。必不生黃。惟其脾虛不運。所以溼
熱乘之。治此者。無非暫去溼熱。茵陳五苓散亦佳。黃稍退。卽速健脾。不得屢用消

耗。而謂有是病用是藥也。

若面目俱黃而帶虛浮。脣白舌淡。口不渴。身不熱。夜無煩熱。小便不澀。不可認爲溼熱而分利之。速救脾胃。四君子湯六君子湯是其宜也。凡服分利之藥。黃久不退。以致口淡心荒。四肢軟弱。憎寒發熱。小便帶濁。皆爲虛甚。宜四君子煎併入味地黃丸。不可再行分利。以致脾敗腎絕而死矣。

入方

茵陳五苓散 方見卷二傷溼門。

胃苓湯加茵陳 方見卷二傷溼門此加茵陳一錢。

集成沆瀣丹 方見卷一胎疾門。

四君子湯 方見卷三瘧疾門。

五君煎 治脾胃虛寒。嘔吐泄瀉而兼溼者。

官揀參 一錢

漂白朮 二錢

白雲苓 二錢

炮薑炭 一錢

炙甘草 一錢

水一鍾半煎服。

溫胃飲 治中寒嘔吐吞酸泄瀉不思飲食。

官揀參一錢

漂白朮二錢

白扁豆一錢

廣陳皮五分

炮薑炭一錢

大當歸一錢

炙甘草六分

水一鍾煎七分服。

集成肥兒丸 治小兒脾胃虛弱飲食不消肌膚瘦削多服能令兒肥此丸久經

效驗比諸家肥兒丸功獨甚。

建蓮肉

二兩四錢 西砂仁六錢

漂白朮一兩

官揀參一錢 乾切片

京查肉四錢

杭白芍四錢

廣陳皮四錢

法半夏四錢

白雲苓一兩

雅連三錢

苡仁米六錢

六神麴六錢

炙甘草二錢

共爲細末煉蜜爲丸彈子大每日早午晚各服一丸米飲化服。

六君子湯 方見卷二類搐門。

八味地黃丸 方見卷一保產門。

黃痺簡便方

小兒急黃。以絲瓜連皮帶子。火燒存性研末。每服一錢。米湯下。連進數服愈。小兒黃如金色。因積滯凝於脾家。以糯稻草煎濃湯飲之。數次效。治小兒黃痺如金。取山間薏苡仁根。洗極淨。煎湯服之自愈。治溼熱發黃。用生薑半斤。茵陳半斤。同搗爛。以布包之。時時周身擦之。其黃自退。

腹痛證治

帝曰。願聞人之五臟卒痛。何氣使然。岐伯對曰。經脈流行不止。環周不休。寒氣入經而稽遲。泣而不行。客於脈外則血少。客於脈中則氣不通。故卒然而痛。凡病心腹痛者。有上中下三焦之別。上焦者痛在膈上。此以即胃脘痛也。中焦者在中腕。脾胃間病也。下焦痛者在臍下。肝腎病也。然有虛實之分。不可不辨。辨之之法。但察其可按者爲虛。拒按者爲實。久病者多虛。暴病者多實。得食稍減者爲虛。脹滿畏食者爲實。痛而輕緩。莫得其處者爲虛。痛劇而堅定不移者爲實。虛實既確。

而治有準則矣。夫腹痛之證。因邪正交攻。與臟氣相較而作也。有冷有熱。有蟲痛。有食積。辨證無訛。而施治必效。

挾冷痛者。面色或青或白。冷甚者。面色闌淡。脣口爪甲皆青。此脾氣虛寒之極。輕者當歸散。重則燒脾散。有吐瀉者。保童丸。

挾熱痛者。面赤壯熱。四肢煩燥。手足心熱。宜四順清涼散。加青皮枳殼。大便秘者。木香檳榔丸。大便調者。芍藥甘草湯。

食積痛者。口中氣溫。面黃脣白。目無精光。或白睛多。多眠惡食。大便酸臭。宜三稜丸。甚則消積丸下之。後用六君子湯調之。

蟲痛者。面白脣紅。六脈洪大。心腹疼痛。口中涎沫及青水出。腹內結聚成團。摸之梗起一條。小兒脾胃虛者。極多此證。宜烏梅丸。凡腹痛喜手按及熱熨者。爲虛爲寒。速宜溫補。如手不可按者。爲實。速宜下之。

入方

當歸散 治腹痛有寒無熱。

大當歸一分
炙甘草五分
水煎溫服。

南木香五分
生薑三片

青化桂一錢
大棗三枚

大揀參一錢

燒脾散 治傷生冷菓菜停積中焦心脾冷痛。

黑炮薑一錢

紫厚樸一錢

草薢仁五分

西砂仁一錢

六神麴一錢

老麥芽一錢

真廣皮二錢

高良薑五分

炙甘草一錢

或丸或散或水煎俱可。

保童丸 因傷風冷食積肚疼泄瀉嘔惡。

官揀參切片乾

漂白朮土炒

紫厚樸薑炒

正廣皮酒炒

白雲苓乳汁蒸

結猪苓焙

宣澤瀉炒

藿香葉焙

公丁香搗

法半夏焙

青化桂去粗皮

白乾薑炒

白薤仁焙

杭青皮醋炒

肉豆蔻煨

南木香屑

炙甘草各等分

并焙燥爲細末。神麴糊爲丸。彈子大。每服一丸。米飲化下。

四順清涼散 治挾熱腹痛。面赤壯熱。四肢煩燥。手足心熱。

杭白芍 一錢

白當歸 一錢

錦莊黃 二錢

炙甘草

淨水煎滾。熱服。

芍藥甘草散 此方無論寒熱虛實。一切腹痛。服之神效。

白芍藥 三錢一根重

粉甘草 一錢一枝重

右二味俱要整的。用紙七重包之。水溼慢火煨熟。取其杵爛。煎湯服。寒月略加肉桂數分更妙。

三稜丸 治食積胃腕痛。心腹痛。小腹痛。癖痛蟲痛。

京三稜 煨

蓬莪朮 煨

半夏 麴煨

小枳實 炒

正川連 薑炒

吳茱萸 焙

正廣皮 酒炒

杭青皮 醋炒

南木香 屑

尖檳榔 炒

川厚朴 薑炒

川棟肉 炒

小茴香 酒炒

共爲末。神麴糊爲丸。量兒大小加減。米飲調服。